

Ժամը հաւաքուեցէք նշանակուած վայրը : Հրամանը ի գործ կը դրուի համահաճութեամբ . և որոշուած ժամադրաւայրի մէջն է որ կը տրուին հրահանգները , նուազ անգամ թշնամի քիւրդ ցեղի՝ և շատ անգամ հայ գիւղերու վրայ արչաւելու համար :

Այդ ժամանակ է որ ամեն մէկի արչաւական պաշտօնը յայտնի կը դառնայ , թէ ո՞ր գիւղի վրայ՝ որո՞նք , և ինչքան մարդով պիտի յարձակուին , թէ ո՞վ՝ թալանի ո՞ր մասին պիտի հետամտի . ցեղապետն ու իր ջահէիները կուղղեն իրենց քայլերը գէպ այն տները՝ ուր իրենց հուրի մեկեմներ կը բնակուին (եթէ հայ գիւղ է) : Այդ տները չեն թալանուիր , միայն հուրի-փեռիներ կը խլուին . իսկ մնացեալ մասը ստացած հրահանգներով կը լեցուի գիւղը . կ'սկսի հրացանաձգութիւնն ու թալան : Եթէ հայ գիւղացին զէնք ունի ու ուազմիկ ոգի , և կուուելով անոնցմէ մէկ քանին գետին կը փռէ , անոնք սարսափած կը փախչին . և արչաւանքը իր յաջող ելքը չունենար . Ապա թէ ոչ կ'սպաննեն , կը կողոպտեն ու կը տանին , պատու , ստացուածք , և այն ամենը որ կը գտնեն :

Ու երբ արչաւախումբը թալան-թուլանը վերջացուցած բոլորն ալ ապահով ետ դարցած իրենց տեղը կը հասնին , Աշիրաթապետը բոլորին կը հաւաքէ ի միասին . ու ամեն մէկին իր տեսած գործի ու բերած թալանի չափով կը վարձատրէ . մեծ մասն ինքն ու երկրորդականները կ'ստանան , ու փոքր բաժինը կը թողուն ստորադրեալներուն :

Քանի մը այսպիսի դէպքեր ալ , ու ահա Աշիրաթը կը հարստանայ , անոնց մէջ կը լեցուին հայ կիներն ու աղջիկները , դաւար , ոչխար , ցորեն , հագնելիք , դրամ կառատանայ : Աշիրաթապետի ու Էլ-աղասիներու քաջութեան անունը կը բարձրանայ , և այժմ ազատ կարող կը լինին երթալ քաղաք , ու իրենց բերած թալաններով դիզած ոսկիներէն բաժին հանել անպարտաճանաչ պաշտօնեաներուն , բէգերուն , ու իրենց ճանաչած հայ իշխան ըսուածներուն : Վաճառականներն ալ կ'ու-